

擇

石

齋

持

集

蘅石齋詩集卷第五

秀水 錢載 坤一

癸亥

祝舍人維誥王秀才又曾萬孝廉光泰陳秀才經業汪上舍孟錫仲鈞過草堂邀載同賦六首

打麥

火王割秣薶江村周六月隨風稻牀響竝舍絲車歇連枷亦
敲擊颺籃互蓬勃稈輕顙顙金芒淨纖纖核有雀四驅嚇爾
杷再掀揭婦姑畢場功喚蒼在林樾彭彭復魄魄掃取麩與
麴來朝便相曬莫叫雞頭鵲

罽泥

昨夜看天色共說今朝晴我船篷已卸雖雨擔罽行兩竹手

分握力與河底爭曲腰箱且拔泥草無聲并罨如蜆殼閉張
吐船隨盈小休柳陰飯煙氣船梢橫吳田要培壅賴此糞可
成楊園補農書先事宜清明

插秧

妾坐秧田拔郎立水田插沒腳溼到裙披蓑溼到胛隨意千
科分趁勢兩指夾偃僂四角退徧滿中央恰方方基杵綠密
密僧衣法鍼鍼水而出女手亦畱指斜日日兩竿白雨雨一
霎田頭飛鷺鷥林際叫鷓鴣

扳罨

一雨洲渚活荻蘆風不乾溪翁夜來夢已落門前灘撐船斷
摸麗呼兒磯颺竿著心樹四木獨立輓且看風俗通罨者柵四木而張網於水車輓之上下
初投意沈靜數舉聲笑謹牽來萍葉碎守至星光闌民租畫

水面終覺江湖寬
強魚脫復得羸飯
飢自餐

貯水

南州苦梅烝得水
雨亦喜名之曰天泉
谷簾不過是今年芒
種寒閏月檐聲駛
吾廬甕盎盈功賞最
童子遠勝廚笕通逸
甚舟瓶委清憐月孕
光冷訝石流隨蓬蒿
仲蔚歟消渴文園矣
茶經復水經寂寞千
秋擬

合醬

淘麥磨得麪煮豆配
作黃葢以穀楮葉攤
之深曲房禾俗煮豆
揉麪而勻
之攤之覆之七日
而出謂之黃子
石缸水擔汲戔戔
鹽稱量乘炎曬使熟
投塊和
如漿覆時寧忌雷成
日終宜涼勺藥倘同
味鯁鯁難分將國
賓天子執物微禮用
章疇諧醢人職聊綴
齊民方

六月初三夜

此夜眠難穩經年淚已枯桑園棲骨冷螢火照魂孤書筴休
忘盡耶孃解喚無再來知愛惜鞭扑忍相俱

幻居菴觀明人分寫大方廣佛華嚴經

城東法寶乞不得五年兩度來緡何清池忍照素冠影微生
且受空王訶龍宮三本此其一我非龍樹奚摩挲清涼山無
六月暑披雲吞海邊之他八十二家明萬歷人各一卷工礫

波陳燕子丁僧義道妙出一手誇妹哥

唐僧義道僧其妹陳燕子丁共
寫小字法華經為萬亡母解脫

昇清茲第二十六卷薛
明益蘭志孝合寫也

莊嚴續補幸完善寶閣不守歸於禾中峯堂

前未持誦比諸孟頫皈依多薦亡獲算豈功德觸彼苦語潛

滂沱鮮丹悔不十指刺正文十萬淋漓托

唐林羅撥錄序
云推拖燃燈

緡經之

軀亦人子未明破宅空戢戢嗚呼德秀暨安國為母發願良
非魔座中豈無慧悲癘結習文字煩逶迤謾論佛語菩薩語

豬肉河陽敗則那淨餅供養香菌舊新樓蓋覆陰抄櫺海鹽
已散金粟藏莫令小劫隨恆河

綠溪詠二首

涵白齋

虛窻夜氣流素壁天光聚獨坐夏成秋頻來客亦主明燈二
十年幾宿溪邊雨

獨樹軒

鴨腳大蔽牛屋角滋芳春惜不能有二東西風雨鄰千歲乃
成此誰初種樹人

白蓮禁體二首

綠意連天暑氣降四圍濃柳影幢幢低擎水面曾無染竇立
風頭不可雙野老莊扉開曉月女兒衫紵濯秋江最憐草動

沙明處坐殺蟬聲半夜聽

艷歌縹緲自風汀
佛劫仙塵夢已醒
還向靜中聞
醺醺又於空際見
娉婷船迴浦
雨初收
冷鳥下陂煙
忽斷青一曲
洪波豈天上折歸纖手任冥冥

紹泰甌研歌

桂葉青青荷葉香
小方壺中簷瀑涼
摩挲石几試甌研
水火風劫畱一片
吳興山黑秋冢崩
青玫瑰拾穿池
僧紅藥主人購
琢此乞銘小長蘆
舊史縱殊宜
城讚楚廟也勝絳
客囊汾水法真荒
幼憑司空改元纔
迄承聖終吳民
開寧及冬令紀年
三月王之正
愁自何來歎
息頻出猶未久
遷流更汪家
兄弟珪璧儔
壺中高吟研
與遊贈君老
語借山谷
我得二士傾九州
龍紋繞背騰
黃色買得千金
不論直

江上女子周禧天女散花圖

空中自度非雲車女顏一朶荷芙蓉從以萬花翔珮琚花隨
所至翩跹踏急之若吹綏若噓摘花不響了髻梳按花在手
遙愁予本無有花花態舒非花非女誰見諸禧也畫得翻憐
渠女身苦相情拈拈最憐苦相身為女千載會無儀狄禍福杜康嘲詩二十四風彈指虛三
十三天稽首徐作此供養菩薩歎梅花樓心句自書黃媛誰介題誰
果不染青蓮淤泥玉溪生疾久弗祛焚香聊復開精廬邈然金
粟如來初

題仇實父人物冊四首

芳澤無加體閑雅是時王孫女新寡纖腰如束肩如削石几
風涼碧梧下孤坐無言微展襟斜看侍者囊素琴夜光明月
瑩無垢保之那不軀千金可憐車騎雍容客得婦分錢買田

宅

遠條館春風不寒淳于已侯樊嬖驩太液池秋風大起纓褱
一曲憐持履手執花枝顫顫何薄眷卷髮嬌孰多踽步而今
愁見畫十年禍水同興敗木門風響倉琅根燕飛何來啄王
孫夜長共被寒殊耐憶否不眠深擁背

身羌心漢無雙翼舉手祝天天晦色誤疑公主嫁當年只少
琵琶彈絕域遠陽草木春不榮河流入塞南無聲牽衣索母
擾二子渠寧啼笑知其情魏公金壁勞相贖鄙賤流離悲續
續青史蓬頭董祀妻黃沙血淚胡笳曲辨絃識律傷所遭中
耶且復蒙訾訾

義髻黃衰來窈窕春風任爾吹多少寧王玉笛倚朱脣能使
開元作天寶琵琶聲中舞阿蠻臂支未覺纏頭慳興慶池東

移勺藥繡巾再拜清平樂生死恩深髮一線鼓輦愁散花千
萼水邊秋草諸姨粧冷涵夜月驪山湯殺粉未應誇院本更
誰憐得荔枝香

謁明徐少卿祠觀祠後舞蛟石

街東隨州老祠屋童年數過看鬚蒼牆陰最認古苔石梯攀
匝繞藤花時藤花幾開藤葉落儒冠已誤西鄰兒堂虛石歸
此重入默撫忠孝慚其私公身長不滿六尺公死浩氣何淋
漓襄陽告陷漢東震十數萬賊圍登陴嬰城七日救不至喋
血一門甘若飴魏應劭節錄序云獻賊攻隨州凡十三日公以羸卒乘城出奇兵殺賊力竭絕援身被戰損刃斷脰以死一子一妾諸奴婢從死者二十
八文丞相竟符夢兆卞將軍合加鼎司易名典虛社已屋百
年香火粉榆悲黝深竅泐太湖產想從清宛堂前移饑蛟舞
壑狀匪誕老人作怪吾終疑維公生平嘗愛翫此石感舊猶

蠅蛄雨風袍笏夜燈閃爍然見汝爲驂螭肅成書院門畫鑰
裔孫歌哭恆于斯丈夫死不壽穹壤皇精賈地頑如遺

送萬二之陽山

陽山漢縣今連州阿兄作宰遠迎母便挈全家大庾南且過
明月中秋後車船幾出虛同里寒暑纔歸又分手山鷓愁人
竟趁飛兔株落我仍孤守上灘下灘灘轉急上嶺下嶺嶺忽
回此客非貪趙尉金此心直送錢塘口湟溪關清瘴收墨桂
陽山碧城如斗官無丞尉巷無人昔者云然今或否縣東釣
魚磯可詩縣北讀書臺可酒小廨波羅密翳檐佳日太夫人
上壽嗟君從宦身偏暇入粵探奇天豈偶五羊雖說雁鴻無
頓首尺書還寄某

登胥山

州人齒踰壯未識近郭山茲山亦傳會數仞殊孱顏靈支自
雙峽湧出平田間周以種菱水曲爲臥柳灣村農廟鴟夷野
鬼莫敢姦繇來忠義魄到處土木頑陸家墓柏老樵斧幸弗
刪賢愚同此盡翁仲知其艱書堂碧篠影石劍青苔斑偏提
可常醉何必秋林殷

吳江用張子野韻

那得秋風不爲鱸順吹帆葉又思吳斜斜紅樹影圍郭密密
小江聲帶蘆一力借人囊篋箇數峯迎面意言孤欲聞絕唱
無賢卒卻趁魚蠻入太湖

曉過太湖

竹枝聲破夢搖搖緩蘭櫂正落洞庭霜已隱吳江堞推蓬寒
在面復更理衣篋風生濶處瀾岸響枯來葉日出如燕支山

青何磯嶂芙蓉誰汝憐深淺溼相裊

長洲縣齋看菊

高下霜姿百本擔清娛借得絲筠菴祗應小璫寒泉淪靜對
黃州像一龕

查秀才岐昌行笈二詠

伽南香筆格

非椿非櫟柳海外數峯假靜流出几芬佛性參般若研屏烏
石倚肯出研山下

湘竹秘閣

片割君山秋邴家樣新得最使玉臂高趁放簪花力只休寫
楚詞恐誤淚紋拭

東鄂烈婦行

國化如風加被之自宗始殺身殉其夫乃有東鄂氏東鄂年
二十婉孌隆德妻隆德爲宗人雙雙未及期吁嗟未有身天
則使慙慙憑屍還護髮淚下如流淙家人環持之披麻髮仍
剪毀令守者懈有隙絕我喘五月之二日夫葬五日周從容
約髮帕畢命臨厠脰麻衣望天歸烈哉生所篤先舅倫達禮
厥考烏禮卜

本朝頒制夫死皆謂髮披麻若從死則否烈婦
哭絕而更護其髮既不得間乃剪髮披麻

虎邱詩十七首

并序

登斯邱屢矣或詩或無詩癸亥十月七日獨遊曠然興詠歸
而續拈錄存者如左

行宮

聖人南幸日 寶殿翠微高氣象三吳闢鶯花萬古遭金精
長服虎方丈獨乘鼇野老瞻松蓋猶疑照赭袍

悠悠泉試劍石俱有淳化年昌升卿題字

山門緩初步秋興健單策一登還一顧有泉復有石寒非秦
帝痕淨是梁僧蹟林遊年宛昨苔蝕字成碧耽奇恆賤近目
見少心惜題名五嶽佳雖遠徧探蹟觀泉滌輕琰踞石岸高
幘山風晚蕭蕭山葉涼撼撼

劍池王禹偁嘗作銘

取寶發秦皇亮哉斯語怪桐棺殉魚腸越絕邈堪喟呀深海
近通坎黑陽微曬清無魚蟹生仄有松蘿挂跨臨亭子愁響
汲輾轆快使君濡筆年劫不到今壞

清遠道士養鶴澗

靈阜不抗雲幽篁乃紆淵淵聲雲氣中翠與白相幻精魂豈
遊遊佳藻愁欺謾鶴糧誰聚米鶴柴獨籬棚天光照崖磴苔

色上衣襪坐想殷周來人閒幾憂患山城郭改霜落年華
晏時下飲猿啼空令出花瓣

陸羽石井是天下第三泉

山高十三丈泉名十一處脈流薛壁陰甘冷此云庶紹興淘
復出見底清無淤倘來繡領人照影不能去

千人坐蔡思惠公篆生公講臺字

盤陀數畝淨只此他山無一櫟藉遙夜月明如水鋪春風不
寂寞禪意難重枯捫崖蹟方缺況彼頑礦徒白蓮花欲采池
綠生菖蒲

石壁隱起詩

靈蹟弔蒼崖悲風起陰谷奈何學神仙君不見幽獨

應夢觀音殿石壁刻經九十二行

石大士鄰劍池畫相者臧生達十年祈夢一夕應與其弟寧
鑲刻爲得石於洞庭得助於鍾離尙彼行道相寶殿瞻慈悲
普門品勒石壁筆蹤九十有二人人寫一行行未百曾僕射
暨胡秘書字字黃金出倏碧到今華藏道場幽絕勝莊嚴夢
囑昔經圍三面像立中達初所畫將無同開平麾下取畫去
送歸應復畱花宮我不茹齋慵禮像熙寧墨妙頻過寶未能
響揚攜俱還何必潮音之洞洛伽山慧業屬現在坐臥著此
間

梁雙殿遺址

小殿話淳熙空憐金碧對山頭一塔高看盡夕陽在

小竹林

上山復下山陰壑謝塵埃古木夾修篁蕭蕭綠千箇袈裟老

不寒於此設禪座
幸是密成林豈妨流水過
一窩寂寞雲吹入塔鈴那

尹和靖先生讀書臺

西巷霜氣老樹葉吹空園欲尋三畏齋
遂至通幽軒先生程門之顏氏退自經
筵來館此未得相迎入會稽吁嗟年已
七十矣書堂復祠堂落日指上方門人
記錄僅可攷格言刊置今都亡蕭摺誰
規四書院買田築室無由見竹閒開徑
栽黃花青山可讀即可家

東山西山二廟

時所望終憐法護難爲正
愛僧彌黑頭公對小令社鼓神鴉暮

繇余氏墓

蜂聲出暖日松影搖荒坡因懷治水功陶臣及烏陀

寺西小溪

鼓子花開幾落松陵客去誰招雲涯一曲千里時有人家板橋

半塘

寒食看春莫放閒少年些子是中間紅欄橋上從容立纔遠城門未到山

茶

沈甌色微白香甚幽蘭開夙聞茶葉好今值茶花來摘花山左右香色如寒梅松陰及泉上亂草披蒼蘊爲語住山僧春風須遍栽徧栽不須薙縣帖久停催

文肅有
薙茶說

薙草

阿儂傍山住種花還種草虎鬚細織成夏月眠言好

遊華山

飛瀑見晴雪

千尺雪石上刻句云飛瀑晴迴萬仞峯

旋螺聞妙香僧言華山處華擁支

公堂秋田石路遠晚樹雲陰涼高高穿鐵壁

鐵壁道遠巔巔刻

寂寂

轉遙房腳踏齒齒辨動搖天風長飄然不染心不在菩提坊

題王秀才鳴盛詩卷後集蘇文忠公和陶句

心空飽新得佳處正在茲迹寓心已去詩成竟何爲江左風
流人喜見霜松枝獨立表衆咸黃花與我期物色恐相值世
事纏綿之功名豈人傑昭氏有成虧齋廚聖賢雜一笑百念
衰好語時見廣作詩記忘遺

宿太常公顯忠祠下

皎皎堂前月森森堂後風依依階上下脊脊廊西東德業亦

何迹報之視齋豐恭惟里居年粹養益以充一經傳七葉勉
進小子躬所懼迫紛紜卑基鮮克崇懸燈自照座俯仰清氣
中默佑或可逮于何發其蒙

夜至永安湖丙舍集陶句

行行失故路曖曖遠人村素月出東嶺枯條盈北園饑來驅
我去心在復何言雞犬互鳴吠而無車馬喧

韓石齋詩集卷第六

秀水錢載坤

甲子

春夜不寐作

六甲從頭又一元秋風花樣定新翻
何心入彀充邦彥不見成名負母恩
高家夜寒林雨落重湖春靜岫雲屯
金華有語淒難忘此事終分義利門

先儒人教不孝未嘗以利口期

城隅

城隅南去獨西東畦菜牆桑取徑通
老嫗古祠盃琰火羣兒高阜紙鳶風
晚來芳草欲爭綠晴殺杏花難久紅
得半好春閒裏過濁醪能醉與誰同

題盛子昭山水軸

武塘畫手傳盛君今者一見愈百聞吾州山少惟多水秋林
何處江南似胸中有竹竹乃生畫山飮得山鄉情抹雲插漢
屬且獨斜日紅黃半楓櫺溪亭葢茅旁纜船筇枝叟仰一隨
肩松塢蠶樓門啓扇樵擔童歸一窺面山西稻堆齊屋山稻
場狼籍掃未閒山東牛宮靠山腳叱牛出欄易驅雀東村西
村皆可廬草堂未置真愁予三時督牛十月納飯滿山廚酒
香榼此生願得此慙娛天公領我山棲無遠煙破寺齋鐘靜
更欲逃之坐深冷

題畫蝶

舞態娟娟祇益狂何勞金粉揚滕王薜蘿自是江南草
飛來便覺香

晚遊二絕句

微風吹面罷清觴
嬾看桃花沈氏堂
走上南城尋一笑
可憐壕股有垂楊

無主花開白閒紅
一休一步轉城東
青蕪忽到傷心地
朱老桑園厝阿鴻

種桑秧

雨晴昏旦變土脈
鬆何如後園惜多曠
深草久不鋤鄉人擔
桑至剝啄適餉魚
分將五十本高可三尺
餘惻惻呼短僮
出我鴉觜鋤屋頭
雲淦淦畦畔風徐徐
我桑不求美貴在補厥
初已成幸相保
摧折寧當虛鄰翁笑來助我術
遂弗疎夕陽功告畢
休立潛欬歔老桑念始種
我髮母手梳養蠶作兒衣
無年手拮据小桑今卽補
母逝不倚閭蠶絲乃自計
擢髮傷居諸小桑豈必大
亦賴荒穢除老桑尤待糞
僮力難倚渠清

明葉齊白瘦地憐獨紆勤能償廢壞隙可容瓜蔬此身無遠
大敢冀煩憂祛烹魚酌二仙簪潤方漸如

劉松年觀畫圖歌

人事无常畫中畫畫中看畫無人會我今猶是畫中人畫外
居然發長喙石欄梅萼中庭春坐立面背凡十人袍鞞一主
三則賓亭後出酒盤有鱗谿山玉父展幅新齊心左向雙臚
親軒看抱膝或負手東風何意歡茲辰雲煙過眼成南渡回
首宣和等朝暮御府圖畫不如故諸君好畫還收聚此情試
問暗門生蛇足應憐爲添句春陰漠漠桃花寒我亦嘉客來
同觀倩誰傳得座閒事卻立四顧愁無端

獨遊東塔寺

毘盧閣轉夕陽虛複水平橋步正徐百五雨收翁子家兩三

松覆雪菴書綻衣僧老默窺牖啄粒鳥輕紛躍除方丈十年
前數入聲叩花枝應訝面生疎

長虹橋下買銀魚

急溜橋門阻輕船女手將出於絲網活看比寸鍼長恰及拋
錢候奚須斫鱸方雨來鶯脰近今歲始鮮嘗

楊忠愍公壺盧歌

并序

高六寸容半升膚色黃栗滑不留手上刻小行楷書云釀成
四海合歡酒欲共蒼生同醉歌嘉靖己酉歲秋九日詩椒山
凡二十五字考詩爲忠愍和劉靜修先生九日九飲歌韻方
官南京從韓苑洛受律呂之學而自製樂器則壺盧或卽自
刻於其年也客歸自京師持以示載云購之虎坊橋市爲賦
是歌

戚戚蒼生四海中曲臺禮意誰則通慨慷詩就業未就擲一
壺盧空復空西市揚沙十月晦其處吾曾一杯酌虎坊慘淡
市東邊一物傳來公若在短頸大腹滑稽徒圓圓外澤內不
巖雖非青田注水核求酒可替提玉壺是時公方官南都靜
修九飲歌且娛豈其金鐘夢舜後賸此曲沃笙材乎振犀以
嬉手既刻刻詩挂壁秋風孤蒼生蒼生公語爾誠如此者笑
樂無惟苗有莠城有虎大小丞相醉屢舞瓠甘匏苦寸心丹
天恹機關太平取易林太
平機關草團瓢裏學不虛畫之依樣終弗如
菊花釀多痛飲讀柅牀書更福堂書

紹興十八年同年小錄

三百三十人唱名集英殿敘年方就法慧寺刻石還同聞喜
宴開耀鄉五夫里錄之傳惟夫子夫子立朝四十日仕於外

者九考耳夏康周宣光有餘得賢不用乃如是中興科目一

萬五千八百人有奇

中興登科小錄三卷姓類一卷李榕撰自建炎戊申至嘉熙戊戌簡次名字鄉貫三代譜刊之後以韻類其姓凡一

萬五千八百人有奇

後來吉水首唱良所無燕市黃冠歸不得綠綺堂上

哭劉洙

集厚石齋二首

蒲葵扇舉晚窗分近草先驅豹脚盛話到桂香仙籍句未能

輕詆作酸文

推枰謾賭宣城著破格真慚杜默詞五日城南還憶否鉢聲

燈暈已當時

壬子夏同像堂受鏡于偶開文會

馬文毅公策草辨疑歌

聖廟忠節襄平公公所譏書惜未見公自作歌蒙難中維時
十有二年癸丑冬三桂叛延齡從廣西巡撫鐵男子

鐵男子不
怕死延齡

也謂公御衣賜著何從容遺之大帽髮衝怒瀝血縋城達三疏

自經不得又復引佩刀鎖粵公能邀一顧囚首排闥擊笏樓

疾風授命烏金鋪闔門百口視如歸白日青燐葬迴互時與公同處而

被殺者公以下十二人與公別居而自殺者夫人以下七人後此死公難者士僕男婦十九人先此凍餓死囚所者十三人又院丞唐正發負公子歸京師其家被殺者三人先後

殉節五十四人其姓名失記而死者不在焉拘囚方四年幽憤草聖傳鉤摹十二帙草字

雜體無斯全唐裴行儉撰還諸草字雜體數萬言斯非皇象急就篇又豈浮屠永素

能專前正書況釋顧姬筆姬亦從公齎死歸於天嗚呼瘞骨

處廣福寺黑塔村碑

御製撫蠻滅寇將軍又死傳弘烈巡遠雙忠祠八桂

憲皇卹先臣廟入昭忠仍

諭祭本朝元氣極盛諸公生淋漓頸血為君父亦既青史

名其名君不見以炭畫壁范忠貞

驟雨過南湖

亂激水心白微開天角青
數漁歸草舍一簾隱花汀髮動涼
於樹船來活似萍煮茶人漫汲中恐帶龍腥

翁莊感舊二首

樹仆長廊草咽泉一來尋覓一茫然
苦辛歷遍身畱在十二番秋只眼前
門外荒無一柄荷紅情前度始憐多
便教更種畱儂看只恐驚花是怨歌

清隱菴夜雨

竹屋響浪浪湖頭無此涼
茶甘纔雪碗夢淺自繩牀蛙語入
蛩語山香連水香祇愁荷葉底避溼到鴛鴦

洪忠宣公祠

草蕪葛嶺昏訪墓踟躕卽祠堂誰所新松柏尙虛植尙書天
下聞辛苦冷山色寧知十五年歸被言者劾桃李詎云甘曾
獨奉五國馬矢以爲薪苦寒臣頗食迢迢再舉心絮書來自
北皇天國有人安否待君側在遣隨張朱萬死畱一息可憐
景靈宮已復事華飾鈞衡豈睥睨謫徙是吾職何如奏議魂
差傍行都默朱弁卒於臨安府白地池之寓舍蘇卿雖薄賞漢猶不負德忠臣而
可爲庶幾去蝨蟥湖山初賜第養母暫舒力故址倘憑斯靈
風颯然得其西鄂王墳慘淡林光直其東賈相園蟲語夜來
黑

自金沙港沿裏隄尋荷上丁家山眺望南近定香
橋而止

裏湖荷太稀爲我撐簫西野生遍淩芡意欲揩玻璃煙濃裏

六橋樹色灣灣齊漁汊狹可進水高船不低菰蒲深屢隔采
采情猶稽卻登山見陂繡明如畦花多但前權何惜衝鳬
鷺一柏夾一桑一池環一堤陰清雲漏日勢曲草沒蹊纖蟲
旣不飛稠蟬亦不嘶人行花氣中憐絕那得攜白者仙出月
紅者女入溪斜斜領生影漾漾鏡收壁南峯淡逾翠橫管涼
未悽更遙更有香且勿裝霑泥

清隱菴雨

窻紙爐香寂歷閒泉流枕上太琤潺枯枝失勢高驚瓦黑霧
遭時遠妬山諸客莫因秋氣動此堂方與病身閒豁然領得
全湖意不在天晴更啓關

張烈文侯墓

當年誰愛將骨亦岳家西戰鼓中原急秋山落照低曾無樞

府鞠竟有手書齋廟記碑堪讀
雲裳草露淒

瑪瑙寺訪後僕夫泉

鐘聲湖北岸涼意納行客
幾來門外堦看老數株柏高雲覆

荒殿溼氣生柱碣故知非舊坡有樹復有石
瑪瑙坡前樹石之
詠見智圓開居編

深玉醴甘鑑影自甄
孰好事雪斜師一泓未枯碧中庸子安

在屋與通仙隔想初篴翠深鋤響忽靈液名仍山但改彼此

各蕭撼持以問參寥西村夢俱昔
智果院參寥泉舊亦在孤山紹興間徙
寺高嶺有泉適出仍名參寥望雲橋下

是西村參寥下
居智果寺詩豈無零陵桐橫膝月明夕茶塢葉況佳試之風兩

腋

題喜子圖二首

長股類蜘蛛慣呼作喜子朝來遣相見
百事皆可儼

壁閒畫得雙相見必成偶持向荊州人
或呼作喜母

明齋壇茶字琰歌

琰心楷法書茶字不是棗湯并酒器二百春秋說永陵淒涼
西苑齋宮事洪應壇高對藉田纔闔毀佛卻求仙燧林綠桂
寧須有太液長春久闕然中興禮樂觀優劣慕見丹爐夜天
徹重華青爵笑陪觀四紀金甌幸妨缺祭玉虔求備赤黃仍
聽秘色進浮梁潔分款識靈臺供恩注甘馨道士嘗摘鮮龍
焙方承作薦椀雷軒定呼淪宮女擎來拜斗衣春風老盡延
年藥元宰金壺賜範多回青燒更大鋼何止封萬國嫌強諫
暫攝東宮諱舊病姪好差快此書詭請告司空突先死胆高
於馬謖言駟桃降從天且知喜烽火甘泉歲屢侵玉杯寶鼎
負初心一盜經費么麼甚異代傳觀歎息深鬢絲坐斷書生
業雪牖憐窺蜜梅頰清絕徐澆洞斧秋仙乎嬾問羊羔妾芝

房暉暉露盤濃何似番僧日念咒人閒易得青詞手天上難尋紫極翁

書馬券帖後

一聲擊缺玉唾壺春申君亦知驥乎牽來瘦骨塵沙塗額白
入口非的顙卽不我售畱斯須食牛之氣龍躍躍膝而團麴
悲奚殊空中若笑燈模糊子曾不見睂山蘇青袍噤坐瓊囊
鋪天機得精遂忘羸李生彈鋏步且徒受公長借誰門如平
生相識還相辜乃合立市求淳于翰林先不寧馳驅三年又
出乘肩輿黃翁蚌痛商砭疽那知翁也方飢飭布衣不薦幾
纍俘古戰場好乖良圖將五萬騎亦人奴前行八騶彼丈夫
春風新婦深帷車不鳴終日三品芻善芻仍與鞭珊瑚蜀人
鮮衣富自娛越人戴笠盟寒無何人跛鼈甘跛驢先生有命

從人呼嚶嚶潛聽風吹隅卷收妙墨搔徂廬豆羹不繼誠羸
驚索錢敢爾同追逋橐腫背休抑掄擣蒲竟亦成三盧蘇
公說鬼聞之吁不羈我輩如斯夫起看灰陷蹲鴟爐

明皇幸蜀圖

扶風回首遮陳倉後軍已分之朔方沾衣枉含嘆水調割恩
纔得瘞綃囊先驅下坂江洶洶末騎度嶺雲蒼蒼知無綺紈
飾馬體尙有蛾黛參戎裝從官雜戍民呼將盤棧更上青天
長崔圓表迎房瑄謁到此滅賊思忠良縱云斜谷曉斷酒能
救華清新作湯王夷甫竟識石勒萬里橋獨來郎當噫嘻女
謂終李唐孽牙又縫戰士裳沈思天道禍裴監竊侍宮人悲
晉陽畫師誤點桃夢香摘瓜候豈殊秦虬衡山書逼雙井黃
蜀道之難千載傷

後有文待詔畫蜀道難行法是山谷

伯牙鼓琴圖

九靈山人鑒定之宣和入院高手爲藏者延慶秋厓師朱廉
春谷又跋之自後題贊多佳辭我今諦觀非院本非無名氏
李伯時巖陽草樹清而森兩人對坐石在林侍者三人各有
執坐者無語風吹襟背者聽之面者琴心不求知知則心廓
然天地音其音

蘅石齋詩集卷第七

秀水錢載坤

乙丑

送萬二光泰北上

嶺外歸舟歲乍更
幾宵燈火郭東明
極知會面元稀語
但到分襟輒厚情
奉詔春官三月改
看君進士十年成
天心國政今符合
好繼瀛洲宴上聲

追憶周秀才昌

并序

康熙辛丑壬寅雪堂金先生攜

載

讀書于秀才家秀才暨

載

同門生也其家新坊

擔囊詎必遠鄉里
師模在遂忝子同
門二年輔勤怠余
年十四五子長年
及倍而翁古人風
童卯荷殷待木芍
藥翻翻辛

夷雪確確前榮與後簷此景忽移改小市失頻來遺迹緬多
載冉冉世閱人滔滔水歸海豈無琢玉期謂以藝蘭采胸懷
莫能行卽壽亦增始

晚步吳羌山下三首

粉堞如橋跨水明東西過溪城上行看花欲渡不余渡上城
下城方出城

夕陽可憐春暗催二月今朝已破來見山門外松風起應笑
芒屨又一回

十日春寒不覺閒燒香溪女未登山緣坡正見一籬雪煤樹
人家門自關

織簾先生祠

落日尋高士春山見壞扉蛾眉殊不飾元散竟何希苔色井

深廢樹聲鴉數

入聲

歸里人趨社祭猶覺道能肥

出德清西門看梅宜園池上遂過塵麓齋復至清遠堂上百寮山腳坐蔡家墓松下入開元宮得絕句七首

石街蒼蘚入村斑
帽影筇聲此最閒
老樹著花疎亦得
只教看竹更看山

假山崩處數枝斜
人道南朝宰相家
荒水一灣畱底用
熟梅時節叫蝦蟆

清意亭蕪落照疎
漫將梅堞比梅墟
明朝郭笑山中屐
六瓣尋他臘雪如

范老龍梅意絕憐
中丞堂外見來然
種花人去春風在
卻數

潼關辨切

蒲覓

賊年

清道堂明蔡中丞官治宅中丞蔡瀾求敗流寇於潼關

屈鐵爲身玉長芽靈光誰竝閱恆沙眼明小縣無多戀四面
青山一本花

百寮山起萬松聲綠酒陶公柏下情去去且知今日事鄧廉

訪墓更無名

元吳文正鄧公神道碑云其宅湖州路德清縣千秋鄉百寮山之麓

小塢深煙擁翠簾何年斜叟築丹房橫枝拗得林中玉供與

三清座上香

觀蘇文忠公定惠院寓居月夜偶出及次韻前篇

二詩墨蹟卽用其韻

兩篇塗改尺幅完天籟曾藏值今夜獨客甘茶罷酒時明燈
淨几鈎簾下黃州花發水曹到白月人稀僧屋瀉送來清谿
三百曲東有海棠一株亞筍香魚美老翁媿弱柳殘梅陋邦
借霜氣烏棲御史聞洞簫杏萼彭城謝嘯軒竹下未吾闌睡

味雨中方此舍聲名文字少年雞憂患饑寒佳境蔗觴盡須
酤還可出詩成自和誰能怕月斜花落閉門空婦女不妨滋
患罵

北流水上作

德清縣前溪北流獨客踏春雨初收新燕子飛上下渡小桃
花發東西樓顛狂堪了一杯酒老大不關明日愁山色青青
入城處斜陽相喚出城舟

訪商隱先生紫雲菴遺蹟追和先生草廬八詠并序

先生諱汝霖先侍御公從子所居紫雲菴在邵灣山中距先
生之歿五十餘年載以寒食上塚獨來訪故菜畦桑壠落日
犬聲徘徊悵悵鄰翁出接尙能爲指識其處曰此則先生講

學之堂也前有小池亦已平矣延眺紫雲諸山松風不寒此
情何已先生嘗有草廬八詠卽其地如聞其聲益慨然於百
世之下敬和之云爾

小橋

水在山中行竹樹深相遶未絕扣門人安茲石梁小

流水

飲犢者初去漂花分不止將因漱石餘益謹澗觴始

古樹

露霑亦泉潤尙爾根斯土楊園一宿來愛惜其千古

張楊園先生嘗潛訪

先生一宿犬
樹下而去

柴門

候門無一男松下自常鍵門內孺人隨怡然及雞犬

短籬

列壙昔有閑折柳鄰遺續指處說先生園中每舒目

曲逕

書堂臨小池開逕不嫌曲落日照春蔬徘徊見高躅

細草

短僮戒莫除風雨一庭綠不入飯牛歌芳菲菲自足

幽花

四時多所榮意不在香色荷葉以爲衣菊苗以爲食

附

先生原作

小橋

門前紫翠堆坐對猶遼遼欲與日盤桓休辭略約小

流水

礪壑甫榮回羣巒已萃止感沸幾經來安瀾從此始

古樹

偃河一散材辛苦餘尺土歲月不知深形容自爾古

柴門

蔭下立茆茨有扉不設鍵稜稜松樹枝聊用防雞犬

短籬

雲氣時時生下上忽開續槿籬弗使高恐礙平林目

曲徑

門中頃步地瑣石裁令曲捷徑非所由庶云習我躅

細草

閒庭履跡稀養成蒙茸綠石罅瀕瀕縫跣餘還藉足

幽花

有美不期春有香奚事色澹澹以時榮尤宜供服食

求甘菊苗復至商隱先生書堂遺址集陶句

衣沾不足惜衆草沒奇姿井竈有遺處山川無改時羲皇去
我久顧盼莫誰知鳥弄懼新節蘭枯柳亦衰

汪上舍孟釗招遊城南陳氏園憶癸丑秋與朱大

沛然醉此漫題

仄磴攀援桂樹青十年易主置新亭故人已罷高安宰回首
秋風一醉醒

觀聶大年小瀛洲賦墨蹟用蘇文忠公病中夜讀

朱博士詩韻并序

東軒自跋正統癸亥開京師爲尙書抑菴王公作抑菴卽所
稱東王先生也跋者沈宣云先生臨川人名壽字大年與明

史大年名壽卿字異下榮引蘇集讀朱博士詩後四韻謂於斯亦云因下語用蘇韻

學書必折釵作賦方漉沙謂餐蓬萊頂而或慳榜花飄飄老仙語祇向東王誇席幾金馬兼無一夾口搗橫生態多逸復自成一家要令承青負臂鬪竹瀝茶學官有如此與士潤焦芽法嚴過按察公論豈不嘉

溪山春曉閣

溪長山短一欄橫茗椀香爐特地清睡起卻拈書卷坐陰陰高樹栗畱聲

倪翁村居錄壁閒舊句感述

逝水無歸年夕陽易成夜憶初髫戲嬉寒食過翁舍露農園獨開煙午壠頻下倒眠紫草田

吳俗春田之不種油菜蠶豆大小麥者撒草子于中俟其生綠葉纖莖開紫白開色

小花曰荷花紫草取以膠河泥資培種橫拉紅薔架墮池釣童抱攀桑蠶妾罵我母

為翁甥翁慈噴勿怕人生最樂時逃學篠簹跨不知淳于槐

豈識長康蔗稍長歲舉舟欲效事躬稼嗟茲失母兒來稀翁

久化鄰斤伐果林秋雨毀廳庑藤花絡高榆鬢髮見開謝壁

閒舊詩句慘澹辱邀迂廚空晚色明香酒不聞醅無兒祭墓

虛有客露纓乍八十老寡妻紡車尙冬夏雍正乙巳春日過倪翁村
晤作利午不勝慙然居日

自飲紫藤花漿微白練鳥翻翻挑菜出俗
婢隨泥歸村船聊成竹溪酌易漢武陵仙

六十七研銘拓本歌

并序

唐研三華清宮于佑李洞宋賜研三范仲淹馬知節周必大

銅雀瓦研二黃庭堅王獻臣欽石摹羽陽五一游景叔研之

主有名氏者三十有九王鞏李方叔翠微居士彥清蘇養直

韓元吉虞仲房陳景元石林定之張龍辰趙芳洲富山樵侶

句曲外史雲石道人柯敬仲子充篁墩賓之魯川徐汝寧各
一庭堅王寵各二帝子昂各三東坡徵明各四而觀者爲之
銘者不與焉無名氏者十有七其一無字盤螭紋特精其二
畫一山水一竹女子者二皇妹晉國仲姬也合之凡六十有
七銘詞之可錄者東坡爲王鞏云王鞏魏國文正公之孫也
得其外祖張鄧公之硯求銘于軾銘曰鄧公之硯魏公之孫
允也其物展也其人思我魏公文而厚思我鄧公德而壽三
復吾銘以究令名治平四年三月廿五日李方叔云非予非
赤薤粟以澤宜筆與墨與手相得而山谷銅雀瓦有云其屋
歌舞除風雨初不自期爲翰墨主虞仲房有云銘之者誰曰
虞仲房淳熙丙午寶之有云墨無停宿水宜易新徵明紅絲
研云色示絲澤示肉儼九苞載栖竹錄之不勝錄也于佑研

不小顧貞元閒會稽呂京題云余得之廢市中形制小小豈
佑好吟覽置之囊中者耶夫必其小者則東坡之雪浪齋雅
宜之如虹矣贈人者二子昂寄贈京口石民瞻篁墩云歸之
石田與同壽也若飛梁玉壺冰庭堅之紫雲必大之洮瓊仲
姬之乎瓊蒂之龍泓富山樵侶之龍吟又李洞之隱日堂子
充之樂園景元之碧虛丹館皆題字之可喜者前人既已集
之而余復觀之遂爲歌之

天寶六載製異今玉蟾蜍見妃子臨秦宮遠矣漳水深研真

與假空愁侵

真研不捐
蘇文忠語

以研賜臣臣克任以研贈友友獲箴不

惟其研惟其心魏公鄧公蘇公欽蘇銘一字不換金宋書規

晉蔡薛森

薛道祖

獨懷端明蹤莫尋承旨待詔行駸駸躡前諸

老來獻琛顧使女子荒織紅青花鸚鵡知其音誰爲此冊富

林藪款識欲隨鐘鼎剖小篆八分行草手集如法帖十八九

邱

遲沈約

回文式缺有玩物喪志聖所否以畫代之良亦偶

于君錦囊許探取覽古登高吾壁友自銘乞銘太紛糅一字

三字惟敬守

一言可以終身行之者其知乎此聖門一字銘也詩云一言以蔽之曰思無邪此聖門三字銘也見歷放翁文

青州紅

絲不屬某某歌卽銘殿厥後

吳興

水鄉難得復山鄉城郭秋風透客裳江子涯邊新水濶霸王
門外暮山長小荷葉憶大荷好烏氏酒誇程氏香且買一尊
明月上獨吟還過碧瀾堂

和白蘋洲二碧衣女子詩

雨點不時冷蘋香無次濃泊船何所憶攜手或相逢緩緩玉
簫簫姍姍羅襪容人閒盡離恨若箇得長從

觀黃文節公題淡山巖一首墨蹟即用其韻

淡山覆孟仰窻戶仙佛所居無點塵再氏溪中司馬柳荆南
碑尾作記人偶然黯淡一本墨太息崇寧三年春徵君化去
洞無暑聞道以之深刻珉

桂林寄家家未遂宜州作夢夢不歸漫郎闕銘如有待十客
張飲莫相疑東風狂吹零陵郭淡竹翠滴老子衣腕中筆尾
是何力公與秦少章論書云能使筆力
悉從腕中來筆尾上直當得意動操固謂知音稀

懷祝孝廉佺大理

日落思君處車驅下第年西陵纔夢寐南詔又山川霸略陳
同甫狂歌李謫仙亟須歸萬里蕪盡海濱田孝廉謫賦放言有云歸
乎歸乎黃河一瀉十萬

八千里安得一年三百
六十六日日遊崑崙

觀山僧割蜜

牆角煙青火漫熏
連筒截餅著驚分
安州正復依檀越
長老都應嗜麪筋
一切性真如所見
中邊言徹竟何聞
蠟房煉後誰當嚼
門掩空山落葉紛

咸和輓歌

永安山破蔡叟鋤
寄我古墓甄尺餘
咸和四年八月立
七字我識非虎魚
謂叟頗知廷尉否
其年小馬餓歸走
吳興水溢月書七
西北天裂歲在丑
瓦燈熒熒愁篆文
啖薤畱白彼護軍
八州都督四公子
續麻樂土方云云
邑雖已改山猶昔
筵吉龜凶落斯壁
泉生日見總心嗟
後魏高流之破一古墓得銘曰我死後三百年背底生流泉香鬱

玉深誰淚滴
還年可討名不謂
任李蔡祭雜墳文邈矣還年討方甄而不記甄兮甄兮發

一邱餘不半
露直輸孔咸康
竝時應識劉石柱記餘不半侯孔愉墓在城山下就覓半露西吳

里語西余山寺僧道政作壽藏乃得古冢刻字云晉咸康間中大夫劉湛妻管氏燒之不堅
鼎石性續鑰王太令保母

堅于石製研不良況成鏡墻中儻有古錢遺乞我一枚明日更

苔雲草堂曉起得雪

園風陣陣聽鴉遷窻紙光光得月然失笑短僮云碎石童云落石雪

蓋雪起看南郭有微煙山山敗絮蒙頭我樹樹空花過眼禪綠甚清溪殊未凍一簑那欠釣魚船

雪向晚轉驟

兀見飛飛白一城爲誰終日俯高楹模糊林澗環周意寂歷圖書跌宕聲下若酒多來且暖武康山亂去尤平煎茶未必宵分渴莫遣深埋折腳鐺茗雲草堂在含亭山南齊王裕之隱處林澗環周見裕之傳

夜半聽雪

比鄰火黑但風多已壓牛欄塞鳥窠靜極溪陰冰片結蕭然園角竹梢拖將軍城廢沒應盡教授宅空寒若何合眼太虛

方炯炯萬山知我獨興歌

聽雪憶永安湖

迢遙此際海東壖誰念窗聲聽未眠
墓下哀號媿徐積火餘露寢判焦先
明明點到紅爐內急急吹來黑鬢邊
杜曲岡西松萬樹樹根寒殺在山泉

雪止徐上舍以泰在城內有昨夜見懷作荅之二首

佳晴雲水轉清虛似此溪山可讀書
甚欲草堂鄰白石還期

詩格到黃初

所居爲明蔡白石侍郎宅址先太常與侍郎同年嘗答贈白石詩云黃初千載去君獨乘扶搖

羈愁不計明于雪春酒無煩煖若湯
料理驚鷺肩聳聳今宵

真有月如霜

來詩反用蘇公樂著作送酒句又云剽我獨吟何所似月中寒從游鶴局

茗雲草堂對雪得月

溪山百里明雙眼雪月三更凍一杯身卽非魚方在水心元
如鏡況無埃平生幾度逢今夜寒意當空偏老梅此際東西
天目頂鶴飛能去不須來

石齋詩集卷第七

擇石齋詩集卷第八

秀水 錢 載 坤一

丙寅

同徐秀才以坤沿後湖上蘇堤看桃花入賢王祠
得詩三首

落盡梅英竹柏閒
禪宗院閉數桃殷
舊遊正綠西村水
斜照先濃北苑山
六橋平接五橋陰
桃柳相兼柳盡金
風急霧寒難造次
一般含蘂各含心
春人春物劇相憐
誤殺花枝渴欲鮮
玉帶橋生雙漿浪
金沙港擁一園煙

汪上舍仲鈔來湖上同步蘇堤看桃花南至花港

五首

三分花事九分春
春老花稀肯待人
不把酒船堤下泊
東皇何處著閒身

堤遙分種菜花香
樹頂紅來樹腳黃
黃裏淨開沙一道
紅邊高夾柳千行

南北山青接一堤
一堤紅影水東西
紅梢合處人行去
幕直陰陰遠更低

搖搖不倩筇與扶
得得青驢要跨無
困卽眠沙醒藉草
一筇狂甚不曾孤

小檻深憐滑笏紋

定香寺近倚斜曛
不知若箇青峯影
鏡裏

簪來溼鬢雲

徐秀才汪上舍同舟小飲沿蘇堤看桃花過淨慈

寺復顰花港六首

土步魚香玉手羹浪頭蘊碧活船行今朝直倚東風勢惱得

無情亦有情

韓致光詩妖桃莫倚東風勢

手撐青幔一邊霞照兩三枝酒上斜各有鬢眉梳掃得誰言

季女不宜家

易林春桃生花季女宜家

橋邊朝雨一番乾樓上春山一陣寒未害緣情多綺靡玉溪

詩作鄭聲看

冥冥不止外堤紅日照西陵馬步通假使桃花也蘇姓屬他

小小屬髯公

踏青踏青菜已挑山南冷未叫黃袍未明不管門前水卻聽

鐘聲刺一篙

水榭人歸蘚欲封知魚知我且從容夕陽苦覺非前度忒殺

薰鬢炙夢濃

入飛來峯諸洞遍觀諸題名得詩六首

歸養乞不得白衣僊定知葯洲伴堂吏乃失西山期

咸淳丁卯七月十八

日買似道以歲事上登回憩于此客某某從子某待期而不至者廖堂中

御史罰金去越州過杭州誰其知越州歲暮此中遊

戊申十一月十一

月晦同來戊申為神宗際寧元年覺時為諫官邵亢在樞府神宗與覺言欲代以陳升之覺遽劾亢薦升之神宗怒其希指遂出通判越州亢亦引疾辭以資政學士知越州

勿詣同鄉子願作敢言臣青史大可畏樓店難相鄰

蘇頌子容題名二

熙寧壬子一熙寧丁巳六月初九日遊又楊景略胡宗師范岫黃頌彭汝礪王祖道林希元豐己未七月十二日遊靈隱洞蘇公與呂惠卿同鄉汝礪元豐初以館閣校勘為江西轉運判官陞解言不患無敢為之臣患無敢言之臣林希熙寧間寄監杭州樓店務

查周克世德曹後宜何成璿也有同遊六人而不名

江右查仲道錢塘周

世科西蜀曹山□□庭訓□後百有四年兵部查公會孫朝散大夫提舉兩浙常平等事應辰察推周公曾孫承議郎通判越州軍事檢復同遊此洞敬觀遺刻實崇寧改元歲次壬午□月二十有八日也太平興國二年戊寅十二月二日郝璿與知府正郎范轉運使副劉杜巡檢太保鹽戶部判官杜通理孟同至此

諸孫麟秀邸毓得集賢才會避今年暑龍泓一再來

陸德輿載之趙與磨

致道與書中甫淳祐戊申中伏後一日避暑同來

故人名忽見苦蘇奈情何長安曾筮易苦節十年過

康熙甲戌長至江南

布政使武陵胡獻徵第八遊子期恆侍行同遊某某期恆雍正初甘肅巡撫元年丙辰冬月兼留京師適同居止明年春兼將南爲筮得節之萃誠曰子勿歸苦節不可貞也蘇生六齡失生母昊天德鞠于先孺人未嘗遠離家貧先孺人佐理悴焉念此悻悻甘苦之微孰有逾于歸者乎謝之歸

坐蘇堤春曉樓看桃花二首

十二欄干千樹花花欄仰俯客方茶悉來多恐雨師驟倚遍

只教風袂斜

烏頭女兒花下攜紅得青山青欲低天與太平人笑樂江南

三月此湖堤

自淨慈寺度第一橋至第六橋看桃花五首

慧日峯開碧霧流賣餠簫暖不吹愁佳人難再佳期再誰道

橋邊第一樓

午陰不著鳥咬咬且少輕塵馬足跑才過一橋紅一段又從
橋面望紅梢
中酒心情漫劇歡深紅非易淺非難不教穠李相當對慘慘
偶然明玉團
愁多愁少似春潮根葉都將姊妹邀格是盛年還不嫁思君
最在望山橋
人行緩緩花開急前路明明後面昏便乞范彬圖不得柳絲
一半截煙痕

蘇堤桃花閒有百葉者白沙堤向外湖一面遍種
之緋絳白相雜而開較晚雨後步堤上爲賦四首
蛺蝶團飛漫作狂那知千嬌自中央未能向日輕分笑禁瘳

纔施薄薄粧

南國容華倍可懷紅兒佳更雪兒佳鱗鱗瑟瑟邀相住涵碧

橋邊十二釵

孤山路有漁塢橋陳堯佐撰橋記云寒山鱗鱗并爲四合潏波瑟瑟鑑焉中照

燕瘦環肥各取拈衣裳水碧較無嫌不須殘醉來明日拌與

帆船一洗甜

楊誠齋詩一洗萬古甜酒空

可憐雙瓣卽開齊勾引遊船半外堤卻指後湖山似染玉清

宮只草萋萋

同徐秀才以震上舍以泰游樓霞嶺

春雨無久溼陰崖忽相高藉茲習余步飽食能忘勞泉南摘
茶女手各隨所操多生今歲筍不見昔人桃常時仰蒙密身
坐湖中舫綠陰度隘口適與衣襟遭石亭築有意似欲休吾
曹煙氣隔山淡午雞聞屢號

牛輔文侯墓

不遠東山術俱倍主將塋往來神颯沓先後死分明國有和戎利天聞免胄聲今朝春嶺上戰事說村氓

白沙泉

岡壠擘多支松聲曲折內喜無仙鼠飛其上即蝙蝠洞當路一泓對我未見泉初瓶擔凡幾輩回味廿年甘心知此閒在溼粉了涵光四林清晻藂我心泉詎知厲齒偶然逮僧歸持應器問一荅成再客如不入菴籬犬亦何吠

無門洞

瀟碧陰關深苔痕踏愁破僧家有此竹出入日常過紫藤老非樹十丈立不臥石龍經雨沐巔珥著風播上枝鬱相樛密幄甚可坐斬葛已諸方挂猿應一箇關黎語何真雀舌供新

作池光檻外月敢落青城唾壁像冷且高飮飮氣嘯呵不逢
佛眼師休夏誰能那

上金鼓洞酌金果泉出覓路松林入嬾雲窩

短筇健催腳願得高處覽釋老各青山我初無二感先迷豈
誠非欲遂殊不敢上山復下山生明則生膽洞思真人隱泉
類君子澹暫來亦終去羣綠且盈擘吹衣謾謾西天豁地驚
礮不雨爲密雲有孚利習坎隔離道士招屋北下披闢問鄉
知偶客同郡笑家澈妙花堂上薰翠幕林間默此意付騰騰
仁儉禪師謂之騰騰和尚如塵看糝糝石池自新漪風色猶晚蒼正宜肉緩
身誰謂性當拚門前路何由恍俯頃時憾酸甜斷而續只嚼
一橄欖

徐道士導遊紫雲洞

纔下雲梯旋竹塢密陰高轉飛青扈淵聲我語道士語竹裏
磴盡松落鼠松風半天開紫府小兒三珠戲可逢礙者是壁
通者空水火相勃寒鴻濛我其先入道士從此中數百人足
容穴穿山頂不盈盍一柱蹲蚪支蘚額梅堯臣詩蘚花題洞額觸柱將崩
震兢兢壁書漏痕兆龜坼無角有足緣蜥蜴非煙細繞佛像
光蔭于真際火宅涼今者不見見夕陽我思赤城與括蒼十
洞天六赤城山洞十括蒼山洞道士告曾踏石梁瀑布飛流以界道聲來耳邊我
驚倒撫掌殷雷發枯槁亦獨何爲被渠惱泰山塏埵遊卽好
此中讀書雲四圍默坐玉池自生肥道士道士情庶幾開門
春風蝴蝶飛只愁化作仙翁衣

烏石山房

峯後轉峯前芒屨蹌蹌穿閉門青竹色沈磬夕陽天詩意何

關客春光不離禪坐看黔質古漸欲上廚煙

過湖循南山步行飯於理安寺復歷九溪十八澗
出徐村遂竝江澗入雲棲寺宿

船人喚春遊引勝成所願石屋嶺高洞佛尺還寸問渠鑿
何年色相乃繼繼舍之度西林青瑤流不恩熙寧鄭守題亦
未落荒臺楊梅說金姬夏月竹筐販只今焙茶天山姑摘芽
嫩巖英翠雜殷修竹俄十萬衲子豈嘗識腹空就伊飯目謀
與心慙腰腳已忘健但覺亂水聲相隨屢休頓須與出大江
詎止羈塵遠前期淨土因手欲一花獻夜堂聽風泉禪誦爲
誰勸

曉起至蓮池塔院用宋余知閣詩韻三首

余家何處問東西西谷東厓露滿蹊守院自寒方掃葉一燈

長老尙恬樓

山有雲光任鳥飛
澗無魚影不安磯
茶甌究竟如何碎
我已將心到竹扉
了了儒門半陸沉
鐵花開後別成陰
不妨孝義菴中骨
祇隔風聲與水音

立夏日雨湖樓卽事二首

迅暑追思夢亦慵
樓窗幾攪髮鬆鬆
草青頗奈催蛙屬
雲白無何失髻簪
葉樹憑天手翻覆
隻鳩共客鳴于喁
一回春去

一回老今歲西湖對酒鍾

曉起望湖山白雲平
幾不見雙鷺飛雨

薄醉成歡帽屢斜
坐看飛瀑響松牙
摘櫻江上非雙樹
餉茗城中定七家
且架醪醑欄芍藥
誰穿薺蔚入袷袿
清風卽是楊村院
未覺餅來乳水賒

湖岸曉立

纔生萍點柳沈煙旋出荷莖柳放絲幾日柳陰山霧溼野蔭
葉漲不容船

同徹上人徐秀才遊花塢放舟

屢失西溪約尋幽事且然山今來二客師昔住三年苦
抽石家梅老仆泉壘中更何待搖舫急須前
法華上人稱未接梅為野梅已接梅為家梅
釋其一荷譜注華舊無苦節余偶植之又梅譜

洗馬灘

高橋縛竹為下長馬腹水蜻蜓碧如何舴艋行不止
秦亭山俗謠蜻蜓山

飯聽松菴

坐處松七株饑來飯一盃味不入薰辛聲疑竝榕栝
元道州九疑山圖記

杉松百圍榕栝竝之

法華亭

益憐峯窈窕漸映鬢鬢參輦道蒼雲霧

自秦亭山至澗下橋沿山十八里是南宋輦道

花枝

閨月酣橋無行處板衲有定時龕塢口人驚怪條然客兩三

藕香橋

跨澗澗流急穿竹竹翠深香微我聞已無蓮亦無心

精進林

門前老梅樹對客青結子我腹不必脈初飲廬山水道人曾
有雪五十年居此

渡澗叩法楞菴不得入

叩扉不開扉翻作主人慮後山刷牙聲僧在筍生處本望澗
西來仍從澗東去

宿雪崖

開門適見山立地遂成佛雪時更寒近崖色猶髣髴琉璃明
復明茲焉坐臥行不住之所住夢覺一林清露氣溼松竹無
風滴如雨陰陰淵響中已出二僧語

曉度招隱橋入在澗巷

吹衣淡有風竹影沈沈瀟清音非偶即忽忽瓊瑤在白雀下
除閒碧雲生戶內碩寬而邁軸我豈能不概一僧結香火自
得躬井磴

微雨上樹雪林

卻到山盡處有地非無錐籬梅只見葉雨聲方著枝老屋過
百歲妙香聞片時仍聞檐閒語回問朗法師樓觀發金剛定四字宋
之問贈朗法師語也已

卯春日居家美園已卯明
崇禎十二年象美未人

隱峯巷十餘年無僧住矣

鬱鬱祇陀林蕭蕭碧峯上常住本寄名君將復誰訪僧亦無
去相我亦無來相門前澗水流齒齒石生浪

普光菴二首

普照豈無王普光乃有菴應來普光佛卻坐普照龕
偃蓋松一株當關覆禪定下山心不聞忽擊數聲磬

肯菴在什門南

卻到磬聲邊疎簾映窻種香深十笏餘不出自禪誦向憐穴
壁光面與客譚其雲師才幾秋戒師先一頌有生並禪中何
處可逃縫

梅谿菴

初地樹連理憶觀第二枝人先雨腳入庭下條成池吾都南瀝
經雨樓東

觀音堂側有
連理一破

眠雲室

陰陰翠微午餘溼松氣芬看雲習我嬾僧更嬾于雲酌泉同
法雨知是一家分

理安寺僧住此
法雨理安泉名

雨止同徐秀才叩心齋卽送其先出塢返湖上

不知秘密藏指與松陰題願見智慧光前山日已西雲收諸
澗落漚漚鳴於溪偕來忽獨去意愜誰當齊忘筌寧有想此
語非訶詆只越一重嶺符與高復低

定慧菴

濃陰獨樹大單壁新齋虛但學無漏學著坐如來如

蕭子良文
著如來衣

坐如
來坐

沿古梅庵後山腳轉入石人塢

出塢更投塢舍輿而就曠清陰屋背穿霽色岡頭望麥陂柿

葉垂梅墅豆花放園以峯一彎衡宇各相向農人樸可接石
路狹能讓流泉下九沙佇立獨惆悵

將踰嶺還花塢失道落荒澗雲興雷作比到嶺脊
顧望西溪連峯明滅已在白雨中急點東來無處
避衣襟淋漓亟下松林乃是普光菴後入焉雨亦
止

了了指濃嵐超超越修眴豈因給村夫捷徑乃自窘黑氣忽
覆船澗深深且盡疾雷破更驚弱葛力相忍置身幸已高反
顧錯難準一片蒹葭煙大青鬱嶼蒹葭里西溪東北
大青嶺西溪南遠雨垂散
絲玲瓏白光引須臾點背巖颯沓漫空紫霏服何以當投林
劇堪哂那知屋後人又踏園中筍坐久欲援琴無由得徽軫
低檐響滴虛樹下一蚯蚓

雪簷曉起坐雨繡毬花半落

冷雨復何意圓蒲猶此間人聲清隔澗竹影密遮山砌雪明
相積廚煙澹不還豈無三宿戀輸與釋迦閒

微霽出花塢至雲棲別室

林暉照我衣去此亦何欠短策滑磴畱輕輶吹沙陷法華山
下鐘鑿翠軒邊梵布施鄭君心依依茗甌汎明天啟中華亭鄭昭服及其子所捨山場林屋
巖煙蓀萼開蕭然白花者名燕津山中砌水竹梢蘸持寄老人前無端一相

鑑

橋亭避雨

山雲半陰晴我亦隨所適已詡林宗巾正須子瞻展亭邊花
點紅橋外水流白回首老禪棲松蘿氣如積

映壁禪院

密密青桑徑高高垂拱基道人鋤菜罷與語頗得知廢院導

相入繡旛飄半鬢秋霜歲常歷銀杏今又齊報國寺銀杏楊載懷古詩所謂萬年珠樹落秋

也粧閣在何許薛蘿號竹鷄窻前水深澗謂是洗粉池一家

春不見日照柳浦西別是一家春未去福試叩浮熙鐘莫采徘徊枝寺樹有金銅錢

一月上錯淳熙改元會觀經字銘掛河花極香宋宮苑以精麗嚴密保勝珠

鳳凰山下溯淵行憩石橋望聖果寺

陂煙溼不濃已足薊石術迷離紫殿尋躑躅青蕪送微聞幽
淵來激玉落橋洞蘚輒人自憐竹新鳥無畔巨壁屏開張密
林髮鬢鬆亦知故苑深幢立尙古空迢迢磬隱花寂寂雲生
轉但煮郭公泉高窻午時夢

梵天寺

舊井窺靈鰻水衣壓牆溼犬聲出青蘿憶得坡仙什玉削復

花雕依然湧高級

乾德三年吳越國王所建石幢二記刻未泐有云玉削雙標花雕八面

今朝侶蘭隅不

謂看山及

明景泰鐘隨殿基識云杭州府仁和縣侶蘭隅梵天講寺

江光門外霽但坐底須入儻

復觀雨來乘潮便褰笠

望八卦田

梵天之後峯登頓出塊坵香火隱雙扉西巖竹風戛新泉筍
爲燒飯我牙頗刷相引踞高崖江迴千里察萊麥宋家田環
環方位八郊臺誰已墳華表對荒刹煙合晦昀昀水分溝泖
泖塢深天暉暉林茂鳥嘎嘎齋宮青蒂梅曾拜光堯札會待
雪晴來屐痕草妨滑

月巖石上諸刻讀王文成公嘉靖丁亥九月十九

日飲月巖新構別王侍御詩用韻題

怪石堆蒼雲惟來采樵迹

怪石堆雲蘇太

嘗聞中秋明穿窬月輪

卽客袂暖自披天風高不息煌煌新建篇
蘇蝕未鼓側思田
蠢西南衰廢起閒寂把餞駐旌臨霜初桂
餘圻民無必死讐
公有多病色浩蕩攬斜暉從容埽青壁來
歸遂幽尋別語識
職吏切胸臆萬古南安舟騎箕不重觀專兵
豈有之身後謗何
亟大筆勒蠻陬仁心照遐僻

入聖果寺從寺後登鳳凰山絕頂觀排衙石諸刻
遂下慈雲嶺

仄步下西巖

荒園落叢篠其旁洞石堆蓮萼吐秋曉忠實指

樹陰

石多題刻而忠實二字最大

王荆文蘇忠契塵表道場無著開夢幻閱錢趙

寺後壁更青

有三佛坐悄嘉州岸何如霜剝水淋遶披草探

金星

洞名

蘇銘入雲竊遂登四顧坪一領風縹緲念昔介亭賓

憑虛奉鬪醪

海門起鷺瀟隔岸越山小講武旣深巖鼓聲振

林杪兜鍪諸女麾赤幟夕陽島沙輒到今平天高值人少祇
餘排衙奇武肅蹟天矯千里翼羣龍迴瞻屏障了一江中漱
之噓喻日清杳靈氣鬱蟠開文明有先兆雕鷹掠光來瞥去
浙東渺修嶺擁若關衆麓劃相繚不見棕櫚涼摩厓篆痕縹
慈雲嶺舊皆棕櫚吳
越國王題名尚有

虎跑泉同陳秀才經業徐秀才以坤

樵歌嶺如何問道屢不左寺扉老樹陰客髻鮮花朵看山本
爲泉酌泉且畱我松風灑無聲松影石欄坐儻復來戒公意
言適俱可

雨後行北山下

清泉滿路不歸澗破寺無僧惟出雲隄內小池荷葉翠忽然
風動與香聞

四月晦日觀龍舟二首

雨歇柳陰涼，鼙鳴錦繖張。非關十太尉，猶向水仙王。

兩堤人未來，假蹇青山在。明朝下臯亭，風色魚一隊。

俗以五月朔賽半山

娘奴廟下

八月十五夜飲徐明經以霞上舍以泰家二首

碧天彌望露華霑，半月泉頭正一奩。若以龍鍾紀年歲，姮娥

應怪似蘇髯。

文忠詩龍鍾三十九勞生已強半歲暮日斜時還爲昔人教蓋用香山詩行年三十九歲暮日斜時也

好夜西吳記此回，徐家兄弟勸深杯。四山有影溪無響，直上

城樓共立來。

風渚湖

蘆葉菱花曉，源洄村多埏埴少。炎煤禹山翠對封，山立下渚

清連上渚開。畫舫齋無晴雨句。

宋毛滂令武康作畫舫齋其清明過下渚詩云渚雲堆雨來全無晴畫舫已喚

晴

王官谷有主賓杯

徐抑齋郡丞築生廡于上陌
瑋山中值以生日招遊其處

遽廬天地筇枝覺

任爾秋風兩鬢來

防風廟

商有汪芒定幾傳秋林獵獵谷瑤瑤廟新賀尹勤兵日碑斷
錢王建國年落照鼓簫喧傀儡一方蠶穀走筵尊會稽莫以
懷神禹淫祀輕論舊浴湔

九日遊淡竹塢度大壯嶺至妙巖寺飯歸轉入保

慶寺小憩

此日例登高有客偕以行行行玉塵下已遠溪邊城塢中田

牛割打稻家家聲識是永和鄉翠嶺松陰橫

范文正沈君墓誌銘云
葬于德清之永和鄉大

嶺松陰復松陰嶺北峯崢嶸盤岡擁孤寺數里穿松平沙門

解揖客款款鄉人情東林不設酒茲豈為淵明沈公讀書處

忠敏與求修竹風泉鳴偶來非訪古境亦隨心生還循舊路眺采

折黃花莖黃花積穀陰

保慶寺在積穀山之陰

未到殘鐘鐃乾符記唐代

庭菜殷仄傾試問東西峯略不知其名緣崖接歸翼雅舅株
株晴雨點忽稀疎芒屨相逐輕

冬至日同王五過東塔寺明秀居

蕭颯讀書處廿年同再來寒暄當亞歲破屋有陰苔清白水
難鑒芬陀華幾開不論誰後死煩惱憶今回

寺有補光所書八大人覺經墨蹟卷

石臼漾殘雪

篆紋流至清本是茗所派況來雪晴時艇子搖益快風鳥聲
不聞煙林色如壞人家屋山竹梢葉已勝畫高城渺回首翠
靄隔香界誰爲施水遊屐齒佛前敗

天潭禪寺唐爲施水菴李諤過施水菴詩香齋集重

新城

敬弔嚴夫子旁搜越絕書戰爭俱已矣時命復何如霽日冰

開浦炊煙雪壓廬凝情空有羨了不見春鉏至元嘉禾志東顧西新南于北主四城張雲圖

嘉禾百詠注云吳越戰爭時所築後廢

泊南湖

太尉廢城雪沒先生孤杖帘招一笑百年此夜清風明月雙

橋文待詔夜泊南湖詩百年雪水原無橋定一笑江湖本浪道清風明月橋名

吳興客夜寄懷徐上舍樹盤

及子稱僚壻愁思過十年梅花溼閉戶荷葉浦停船易歷半

生事難成中夜眠唐韋兼李蔣莫必後俱賢唐光祿愈俱娶盧安李漢蔣係皆為魚蹄

韓石齋詩集卷第八